



Rabu, 16 Noveber 2022
Ogen : Masmur 133:1-3



Ulina Ras Senangna



Sada kerja si mbelin bas kita kalak Karo e me bengket rumah. Bengket rumah nuriken kerna kebayaken ras kesangapen pe. Meriah dengen erlumba kel kita kerina guna majekken rumah. Iusahaken segelah rumah si pajek e mejile, mbelah dengen banci jadi sada kinihaga. La sitik kalak singakui maka kalak Karo meriah kel akapna mbagun. Si jadi perenungen wari enda kenca sipajekken rumah e, entah kenca sibengket rumah e, uga nge isina. Enggo nge ndia sembaba kinijilen bangunen e ras kinijelen singianisa. Enggo nge si pakeken rumah e jadi ingan pulung, mbagun kiniersadan arih dengen kiniulin. "Kehangatan dalam keluarga tidak diukur dari ukuran luasnya rumah tetapi luasnya kebahagiaan yang menempati."

Pemasmur ngataken "andiko ulina ras senangna adi kalak ersenina sada perarih." Mehuli dengen senang kap bas kiniersadan arih. Ersada arih maba keriahen, maba gegeh dengen semangat. Iandingken pemasmur kalak si bage bali ras minak wangi si meherga, si ipake guna nangkuhken imam ras raja. Minak e merim, mereken ngaruh si mehuli man sekelewetna. Mesikel kalak ndeher rassa. Bali ka pe ras embun i deleng Hermon. Embun e nusur ku deleng-deleng Sion e maka melala turah sinuan-sinuan entah batang kayu i deleng Sion erkiteken embun sinusur i deleng Hermon nari. Ngatakenca maka kiniersadan arih e erbahanca turah kiniulin-kiniulin la terjeng man jabu tapi pe man sekelewet. Segar dengen sehat kalak sikelewetna. Bage me belinna ngaruh kiniersadan arih e. Erdandanken si e iarapken maka kita sienggo ipersada Dibata bas sada jabu banci mbangun dengen nggeluh bas kiniersadan. I ja lit kiniersadan i je lit kesenangan.

Bangun kiniersadan bas jabu